

# ***IlanngussaƧ T***



INATSIARTUT

**Aningaasaqarnermut Aatsitassanullu  
Naalakkersuisoq**

Ulloq: 07. maj 2015

J.nr.: 01.31.11-00014

**Aningaasaqarnermut Akileraartarnermullu Ataatsimiititaliamit tallimanngornermi ulloq 8. maj 2015, nal. 11.00 ataatsimiittarfik 1-imi siunersiorneqarnissamut aggeqqussissut.**

2015-imi aningaasanut inatsisissatut siunnersuut pillugu Inatsisartut suleriaasianni § 19 naapertorlugu siunersiorneqarnissamut Aningaasaqarnermut Aatsitassanullu Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq. (UPA 2015/7).

**Aningaasaqarnermut Ataatsimiititaliap oqaaseqaatai apeqqutaalu:**

Aningaasanut inatsisissatut siunnersuutip pingajussaaneernejarnissaanut Naalakkersuisut allannguutissatut siunnersuutaat kiisalu ataatsimiititaliap 24. april 2015-imi apeqqutaanut akissutit misissorneqarnerat pingaarnertut tungavigalugit Aningaasaqarnermut Ataatsimiititaliap 2015-imi aningaasanut inatsisissatut siunnersuummut ilassutitut apeqqutai oqaaseqaataalu matumuuna nassiunneqarput.

Tassunga atatillugu apeqqutit makku Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

**Sammissaq 4: Ukiumut 50 mio. kr.-inik sipaarneq**

**34.12.01 Nunap immikkoortuini peqqinnissaqarfii, nakorsanit sullinneqarneq**

Atorfinnik arfineq marlunnik atorunnaarsitsinerup kingunerisassai itisilerneqassasut kissaatigineqarpoq. Atorfiit qanoq ittut pineqarpat, sumi inissisimappat qanorlu kinguneqassappat? Peqqissaaviup nal. 16.00 matuneqartalernerani kingunerisassat itisilerneqarnissaat aamma kissaatigineqarpoq. Peqqissaaviit tamarmik pineqarpat aammalu qanoq kinguneqassava?

**Sammissaq 11: Pingajussaaneerinninnissamut teknikkikkut allannguutit**

**40.94.16 Najukkani tv-kkut najukkanilu radiukkut aallakaatitsisarfiit peqatigiiffiitut tapiissutit –**

Ataatsimiititaliamit erseqqissaasoqarnissaa taamaallaat pineqarpoq – najukkani radiukkut tv-kullu aallakaatitsisarfiit peqatigiiffiannut aningaasat missingersuutinut ilanngussami siullermi ilanngunneqarsimanerat kukkunerua? Imaluunniit nutaamik aalajangiisoqarsimava?

**Sammissaq 12: Pingajussaaneerinninnissamut missingersuutinut sunniuteqanngitsumik allannguutit.**

**84.40.12 Ilinniartitaanermut sanaartukkat**

PISPS-imi sanaartornermut aningaasaliissutit 1 mio. kr.-inik ikineqarnerat qanoq kinguneqassava?

#### 84.40.14 Kulturimut timersornermullu atugassanik sanaartorneq

Suliassanut pilersaarut qanoq sukumiitigissava? Kingornagut pilersaarut sumiluunniit inis-sinneqarsinnaassava imaluunniit sumiiffissamik toqqaanerup kingorna suliassanut pilersaa-  
rummik nutaamik suliaqartoqartariaqassava? Sumiiffissamik toqqaanerup kingorna missi-  
ngersuut C annertuumik allannguuteqartinneqassava imaluunniit missingersuut C-mi ilaatin-  
neqartut sumiiffinnut pituttugaassanngillat?

#### Sammissaq 15: Aningaasanut inatsimmut isumaqatigiissut

##### 10.13.11 Aktiaateqarluni ingerlatseqatigiiffinnut toqqaannartumik aningaasartuutit

Aningaasaqarnermut Aatsitassanullu Naalakkersuisumut ataatsimiititaliap 31. marts 2015-  
imi allagaani allakkani taaneqartuni ataatsimiititaliap isummersuutaanut Naalakkersuisut  
isummersornissaat ataatsimiititaliamit ujartorneqarpoq. Great Greenland A/S-ip siunissami  
kiffartuussinissamik isumaqatigiissuteqarfigineqarnissaani isummersuutit taakku Naalakker-  
suisut isumaliutigisaannut qanoq ilaatinneqarsinnaanerannik Naalakkersuisut naliliinissaat  
ataatsimiititaliamit kissaatigineqarpoq.

Great Greenlandimut aningaasaliinissaq pillugu siunissami ilassutitut aningaasaliissuteqar-  
nissamik qinnuteqaatit missingersuusiordermut inatsit naapertorlugu sillimaffigereerneqar-  
sinnaasimannngitsunut isigineqarsinnaanersut apeqquserneqartariaqalersoq ataatsimiititalia-  
mit Naalakkersuisunut eqqumaffigeqquneqarpoq.

Ataatsimiititaliaq isumaqarpoq ingerlatseqatigiiffiup aningaasalersuutitut annertoorejussu-  
armik aningaasartuuteqarnera aningaasat tigorianaanaat eqqarsaatigalugit pitsaanngitsorujus-  
suarmik inissisimasimaneranut ersiutaasoq. Tamatuma peqatigisaanik ataatsimiititaliaq isu-  
maqarpoq aningaasarpasuit ingerlatseqatigiiffimmut aningaasalersuutitut atorneqarsimasut  
allatut atorneqarnissaat annertuumik pisariaqartinneqarpoq.

Taamaattumillu aningaasaliissutitigut ingerlatseqatigiiffiup akiliutigieriaannagassatut taarsi-  
gassarsiaminik malunnaatilimmik appartitsinissaa, taamaalillunilu taarsigassarsianut atatil-  
lugu aningaasartuutiminik appartitsinissaa allannguutissatut siunnersuutikkut ugguuna Naa-  
lakkersuisunit qulakkeerneqassammat ataatsimiititaliamit iluarisimaarneqarpoq. Taamaattu-  
millu ataatsimiititaliamit naatsorsuutigineqarpoq siunertanut allanut atorneqaratik aningaasat  
ingerlatseqatigiiffiup aningaaserivinnut akiitsuisa appartinneqarnerannut atorneqassasut.  
Ingerlatseqatigiiffiup pisiortornissamut pisussaaffiata, tamatumalu nassatarisaanik aningaa-  
sartuutigisartagaasa ilanngullugit eqqarsaatigineqarnerisigut kiffartuussinissamik isumaqati-  
giissutinik naleqqussaannikkut ingerlatseqatigiiffik aningaasaqarnikkut imminut napatittumik  
suliffeqarfimmik ingerlatsisinnaanersoq pillugu apeqqut sinneruppoq. Periusissamik suliffe-  
qarfiup siunissami imminut napatittumik ineriartorsinnaaneranut peqataaqataaqataasussamik  
nassuiaasiortoqassasoq Naalakkersuisut paasissutissiisutigaat. Ingerlatseqatigiiffiup aam-  
maarluni nassuiaateqarnerata tamatumuuna iluaqutaanissaanik Naalakkersuisut naatsorsuuti-  
ginninnerannut suna tunuliaqutaava?

#### 20.11.70 Suliniutinut nutaanut sillimmatit

Apeqqut 11.5-imut Naalakkersuisut 5. majimi akissutaata danskisuuani qupperneq 9-mi  
allassimavoq nunalerineq pillugu ataatsimiititaliarsuup kaammattuutai naammassiniarlugit  
ukiuni tulliuuttuni 20-ni 9,5-ini 12 millioninut immikkoortitsisoqartassasoq. Allannguutissatut  
siunnersuummi missingersuutitut ilanngussami allassimavoq ukiumoortumik 6 mio. kr.-it  
immikkoortinneqartassasut. Takussutissiamili ukioq manna 3,4 millionit immikkoortinne-

qarput, taakkulu ukiuni missingersuusiorfiusuni 3,8-nut aamma 4,9-nut qaffariarlutik 4,6-  
imut appariassapput. Tamanna qanoq paasineqassava?

24.13.50 Akileraartarnermi akiitsuusiisarnermilu isertitaqarnerulernissamut sillimmatit

Aningaasartuuteqarnerunissamut sillimmatit pillugit aamma apequtissaqarpunga – kisitsisit  
allangortinneqarnerannut sunarpiaq tunngaviua – Pituffimmut atatillugu kingunerisassat  
pillugit paasissutissanik nutaanik peqarpa imaluunniit eqqoriaanerinnaq suli tunngavigine-  
qarpa? November 2014-imi paasissutissat isertuussassat ataatsimiititaliami pigaagut, tassani  
naatsorsuinerit ilaallutik. Taakku allannguuteqarsimappat?

84.40.15 Ilinniartut inaannik sanaartorneq


Ilinniartut ineqarfiinik nalinginnaasunik ukiuni 2015-2017 pilersaarusiornissamut 9 millionit  
atorneqassapput. Ilinniartut ineqarfii nalinginnaasut sisamat pilersaarusiorneqarnerat soq  
ukiunik pingasunik sivisussuseqassava? Taakku siunissami kisimik sanaartorneqartassappat?  
Tamanna ima paasineqassava; pilersaarusiorderup naammassineqarnissaata tungaanut  
ilinniartut ineqarfiinik sanaartortoqassanngitsoq?

Naalakkersuisumik siunersuinermini allanik aamma apequteqarnissani ataatsimiititaliap  
naatsorsuutigaa.

-----  
Ataatsimiititaliap Naalakkersuisumik siunersuinerata Naalakkersuisup ataatsimiititaliallu  
akornanni pingaarnersiulluni tullerriaarinerit anguniakkallu pillugit naalakkersuinerimut tun-  
ngasumik oqaloqatigiinnertut sapinngisamik iluseqartinneqartarnissaa Aningaasaqarnermut  
Ataatsimiititaliamit anguniarneqarpoq. Taamatut oqallinneq ammasumik oqallinnertut  
sapinngisamik ingerlanneqassaaq.

Kiisalu apequtit siuliani allassimasut pillugit allakkiamik kalaallisut danskisullu ataatsi-  
miititaliap Naalakkersuisumik siunersuineranut atatillugu pissarsisinneqarnissani ataatsi-  
miititaliap kissaatigaa. Allakkiap kingusinnerpaamik ataatsimiititaliap Naalakkersuisumik  
siunersuinerata kinguninngua uunga nassiunneqarnissaa qinnutigineqarpoq: sakkak@ina.gl.  
Allakkiap ataatsimiititaliap Naalakkersuisumik siunersuineranut nassarneqarpat atorneqar-  
pallu taassuma nuutinnera ataatsimiititaliap Naalakkersuisumik siunersuinerata aallar-  
tinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Ataatsimiititaliap sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap siulittaasua